

明通鑑

庚子孟春

上元李遜齋題

明通鑑卷七十二

江西永甯知縣當塗夏燮編輯

紀七十二

起屠維大淵獻盡元
默攝提格凡四年

神宗顯皇帝

萬曆二十七年春正月遣中官高宋權京口暨祿權儀真仍令宋兼礦務 二月壬子分遣中官劉成權稅浙
江李鳳採珠廣州時百戶張宗仁千戶陳保等請復浙江廣東並福建市舶司詔成鳳兼領浙江廣東市舶司
稅課尋又命內監楊榮開採雲南陳奉徵荊州店稅陳增徵山東店稅孫隆徵蘇杭等處稅課魯坤徵河南孫
朝徵山西又命內監邱乘雲徵稅四川兼礦務梁永徵稅陝西各以原奏千戶翟應泰樂綱等往御馬監潘相
督理江西資廠輔臣沈一貫言中使衙門皆創設並無舊緒可因大抵中使一員其從可百人分遣官不下十
人此十人又各須百人則千人矣此千人每家十口爲率則萬人矣萬人日給千金歲須四十餘萬及所得纔
數萬徒斂怨耳今分遣二十處歲糜八百萬聖恩偶未之及也乞盡撤之不報尋諸省皆併稅于礦使 是月
貴州巡撫江東之討播州楊應龍敗績先是東之令都司楊國柱指揮李廷棟率部兵三千勦應龍應龍遣子
朝棟弟兆龍何漢良等迎敵于飛練堡賊佯走天邦國誘官軍盡殲之國柱罵賊不屈與經歷潘汝資等皆死
東之坐罷以郭子章代之 三月己亥起前都御史李化龍兼兵部侍郎總督川湖貴三省軍務是時東征事
竣亟調總兵官劉綎麻貴陳璘董一元南征 是月遣中官王忠徵稅密雲馬堂徵臨清陳增徵東昌 夏四

月丙辰戶部奏畿內自去冬至是亢旱爲災河井乾竭二麥枯槁

攷異明史本紀書閏四月八早敕修省此揭
史稿月日蓋奏報在前下詔在後也三編統

之是夏其河井乾竭二麥枯槁之文明史五行志不具據實錄增入今從
之惟是年雨振畿輔皆在十月十一月故三編但書旱今參本紀分書之

甲戌御午門受倭俘磔平秀政

平正成于市初丁應泰復劾諸臣賄倭賣國上以將士久勞苦仍發金十萬兩犒師至是敘東征功首陳璘次
劉綎又次麻貴皆加都督同知及右都督職邢玠萬世德各予世蔭董一元楊鎬俱復原職先是東征奏捷督
學御史李堯民馳疏言諸臣欺罔狀上不悅抵其疏于凡而罷未幾勘臣徐觀瀾疏參沈一貫蕭大亨邢玠萬

世德凶黨和賣國疏至京師戶部侍郎張養蒙尼之不得上時觀瀾方駐遼造冊身歷金山蔚州忠州星州南原稷山查覈各路敗狀據實冊報大亨危之沈一貫簡觀瀾前疏有抱病語票准回籍調理改遣給事中楊應文代之乃盛稱東征功伐一如邢玠指而丁應泰以劾楊鑄故尋爲玠所劾亦落職

谷應泰曰丁應泰之疏能直伸于關白未死之前

通紀從信錄所記謂上見丁應泰疏謂御極二十六年末見忠直如此人者書其名于御屏云云史官上覽疏震怒

欲責楊鑄于法是其說之伸也

而李堯民之章反見抵于關白已死之後者蓋用兵之初神宗氣自甚銳銳則期其速濟故

必欲核其真用兵之久神宗憂自甚深深則幸其成功故不欲明其僞卒之忠言者落職欺君者冒功而所遭逢異矣

是月臨清民變時中官馬堂奉使至臨清召募參隨人等凡零星米豆無不抽分臨清民怒聚眾三四千謀而

逐堂縱火焚堂署斃其黨三十七人皆黥臂諸偷也詔逮首惡株連甚眾有王朝佐者素仗義慨然曰首難者

我也勿累無辜臨刑神色不變臨清民立祠祀之方焚課時守備王煬率家丁二十餘人衝入抱救印負堂而

出其黨鄭惟明反計煬始禍亦被逮繫獄久之瘐死獄中

致異臨清民變明史本紀系之是月三編統記于二十七年武漢民變目中亦云二十七年事大事記所

載則四月二十四日事也其王朝佐自首云云見明史官傳今摺增又本傳三編皆作三十七人本紀三十四人

閏月丙戌以倭平詔天下蠲東征加派田賦已

丑以京師久旱敕羣臣修省 丙申詔取太倉銀二千四百萬兩爲冊立分封諸費時皇長子年十八諸請冊

立冠婚者日益追上乃責戶部以困之而戶部果告匱乃遣中官嚴覈天下積儲由是外帑日耗 五月戶部

尙書楊俊民致仕以侍郎陳藻陞任代之 貴州巡撫郭子章馳至蜀討楊應龍請設中軍標兵益調浙閩滇

粵將士先檄總兵萬鏊自松潘移重慶竝調集鎮雄永甯各漢土兵分守南川合江等處 六月己丑遣中官

沈永壽開礦廣東兼領稅務 己亥楊應龍陷綦江時應龍乘大兵朱集亟攻城城中新募兵不滿三千賊兵

八萬奄至圍綦江城數匝參將房嘉寵誤義火磚反傷城上兵賊乘勢登城嘉龍帥師巷戰蜀兵爭譟走水上

嘉寵乃殺其妻與游擊張良賢俱死之應龍因劫縣令縱囚焚掠出綦江庫犒師依岩就食盡取貲財子女去

老弱者殺之投其尸蔽江而下水爲之赤尋退屯三溪以綦江之三溪毋渡南川之東鄉壩立石爲播界號宣

慰官莊聲言江津合江皆播故土益結九股生苗及紅黑腳等苗負險弄兵爲助時郭子章調土漢兵漸集軍聲始振賊未敢鼓行深入但以爭界給葬爲詞仍具文求撫會總督李化龍至以援師未集蜀人畏賊如虎亦欲以計綏之時時移文詰責示無遽絕意而應龍僞軍師孫時泰說應龍直取重慶搗成都劫蜀王爲質然應龍尙冀曲有遷延不進化龍至成都亦謬爲好語縻之已而上聞綦江破追禡兩省巡撫譚希恩江東之各爲民賜化龍劍假便宜討賊調各路兵至以圖大舉 秋七月辛未承天沔陽岳州地震 八月甲午陝西狄道山崩山在狄道縣城東長二百餘丈忽聲如雷者十數夜遂衝陷爲池山南平地湧山五高者二十餘丈 丁酉命中官張忠兼徵河東鹽稅 是月荊州推官華鈺黃州經歷車重任竝以忤稅使中官陳奉被逮先是奉稅湖廣其僕直馳府署中鈺笞之奉伴謝銜之次骨奉所受敕止江稅乃改移之市又倍徙征之稍與辨輒毆擊破面商賈怖匿負擔者不敢出其途鈺白御史嚴戢奉益恨奉欲權沙市稅沙市人羣起遂之奉疑鈺所使已欲權黃州團風鎮稅復爲鎮民所遂奉又疑經歷車重任教之遂上疏極論鈺重任阻撓罪并及巡按御史曹楷襄陽知府李商耕黃州知府趙文煥荆門知州高則巽等數十人詔切責楷貶商耕等三人官鈺重任被逮至下鎮撫獄鞠治俾引御史楷鈺堅不承遂長繫獄中時以忤稅監先後被逮者不久尋釋至是上欲痛加折辱以懼之于是鈺與後逮之馮應京王正志等十餘人悉長繫論救章數上皆不報獄中有鳥形類鶴而小怪鳴則逮者至一夕鳥鳴甚哀鈺起坐俟之則應京至居久之語鈺以主靜窮理之學日相與研究三十二年六月長陵災肆赦鈺與重任並釋爲民家居四年卒

攷異華鈺忤陳奉事據明史本傳特書云時二十七年八月也三編開礦目中亦分系之二十七年今據之

九月辛亥太白經天吏部侍郎馮琦疏請修省弭災畧曰竊惟欲承天意當順民心比來賦額視二十年前十增四民戶殷足者十減五東征西討蕭然苦兵自礦稅使出民苦更甚加以水旱蝗災流離載道畿輔近地盜賊公行此非細故也中使銜命所隨奸徒千百陛下欲通商彼事因商陛下欲愛民彼專害民蓋近日神奸有二其一工伺上意具有成奏假武弁上之其一務剝小民畫有成謀假中官行之利歸羣奸怨萃朝二天心仁愛明示咎徵誠欲陛下翻然改悟坐弭禍亂乃禮部修省之章未嘗批答奸民搜括之奏又見允行片紙朝入

嚴命文傳遂令狡猾之徒操生死之柄此風一倡誰不效尤臣等方欲陳訴而奸人之奏又得旨矣五日之內搜括公私銀已二百萬奸內生奸例外創例不至民困財殫激成大亂不止伏望急圖修弭無令赤子結怨青

史貽譏則幸甚疏入上不納攷異此疏三編不載明鑑系之是年之末諡之明史馮琦傳卽是年九月太白經天傳中所謂太白太陰同見于午者是也明史作九月辛卯九月無辛卯檢明史

稿蓋辛亥也今從之乙卯石星瘕死獄中辛未沈惟敬弃市是月土默特犯錦義二州縱掠七日總兵官李如梅坐擁兵畏敵被劾罷

攷異明史本紀九月土默特寇錦州史稿則云錦義二州縱掠七日至李如梅擁兵畏敵被劾罷語見明史本傳今參書之冬十月壬午振京城饑民

丙戌以播州用兵加四川湖廣田賦戊子貴州宣慰使安疆臣有罪請討播州賊自贖疆臣故宣慰使安

國亨子也國亨以有罪革任潛至京師納賄爲起復地尋請貢大木竟不至去年國亨死疆臣襲職會應龍反

疆臣亦以戕殺安定事爲有司所按科臣有言其逆節漸萌者上不問許殺賊自贖至是疆臣奏稱播警方殷

臣心未白上復優詔報之巡撫郭子章許疆臣以應龍平後還播所侵水西烏江地六百里以酬功疆臣遂率

兵從沙溪入聽調遣壬辰命中官李鳳徵收廣東土物時廣洋衛鎮撫戴君恩奏廣東遺鹽及絨錦珠寶等

土產故有是命是月李化龍移駐重慶調度川貴湖廣兵總兵官劉綎兵亦至會四川總兵萬鰲罷以綎代

之綎素有威名其家丁良馬皆可決勝然夙與應龍昵人皆疑之于是化龍延綎入臥內輸心腹且以危言激

之引其父顯九綎功爲比事見萬曆元年綎大慟願誓死報效化龍乃騰書于朝遂委綎專制軍事益有次第矣應龍

聞之懼益廣結生苗大治隘塞屯兵官壩聲言窺蜀化龍乃檄前駐水西兵三萬守黔省斷苗道復分兵萬餘

據守楚黔要害十一月己酉振河南災並蠲免改折有差壬申內府火癸酉發天津德州臨清倉粟共

三十萬石振畿輔饑詔以十萬備振二十萬平糶又以鳳陽災免徵改折有差十二月丁丑武昌漢陽民變

先是中官陳奉徵稅湖廣恣行威虐慘毒備至興國州好人漆有尤許居民徐璵等掘唐相李林甫妻楊氏墓

得黃金巨萬奉奏之上命奉括進內庫奉因毒拷責償且悉發境內諸墓巡按御史王立賢言所掘墓乃元呂

文德妻非林甫妻奸人許奏語多不實請釋不治而停他處開掘不報時巡撫支可大以下事奉唯諾惟謹獨

分巡僉事馮應京以法裁之至是有武昌漢陽諸生妻被辱訴上官市民從者萬餘哭聲動地蠶擁入奉解爭

投瓦石擊奉被傷諸司馳救之乃免應京捕治其爪牙奉怒陽餉食而置金其中應京復暴之益慚恨尋置酒邀諸司以甲士千人自衛遂舉火箭焚民居民羣擁奉門奉遣人擊之多死碎其屍擲諸途可大噤不敢出聲應京獨抗疏列其九大罪奉亦誣應京撓命凌敕使上怒命貶應京邊方雜職給事中田大益御史李以唐等交章劾奉乞有應京上益怒除應京名是時襄陽通判邸宅推官何棟如襄陽知縣王之翰亦忤奉被劾詔宅之翰爲民棟如遺逮攷異明史本紀系武漢民變于是年十二月丁丑三編亦系之是年十二月而據明史此事本末經歷兩年而據三編目中所謂載乃二十七八兩奉置酒邀諸司在明年正月則二十九年正月事也則武昌再變正應京就逮入京之時本紀亦分書之疑傳中類記參錯耳戊子振京師就食流民是歲

南康知府吳寶秀及星子知縣吳一元青山巡檢程資亦以忤中官稅使李道被逮道徵稅湖口橫甚寶秀方出守南康不與通會漕舟南還乘風揚帆入湖口道欲權其貨遣卒急追之舟覆有死者道遣吏捕漕卒寶秀拒不發追怒劾寶秀及一元資阻撓稅務詔俱逮治給事中楊應文等請下撫按公勘大學士沈一貫吏部尙書李戴國子祭酒方從哲等交章爲言俱不報寶秀妻陳氏慟哭請偕行寶秀不可乃括餘貲及簪珥付其妾曰夫子行以爲路費夜自經死寶秀至京下詔獄大學士趙志皋上言頃臣卧病聞中外人情洶洶皆爲礦稅一事南康守吳寶秀逮繫時其妻至投繯自盡聞郡號呼幾成變亂事關民生向背宗社安危臣不敢以將去之身隱默而不言星子民陳英者方廬墓約儒士熊應鳳等走京師伏闕訟冤乞以身代于是撫按及南北諸臣論救者疏十餘上上皆不省一日司禮田義彙諸疏進御前上怒擲地義從容拾起復進之叩首曰閣臣跪候朝門外不奉處分不敢退上怒稍平取閱閣臣疏命移獄刑部皇太后亦聞陳氏之死從容爲上言至九月與一元等並釋爲民歸家踰年卒初南康士民建祠祀陳氏後合寶秀祀之天啟中贈太僕少卿賜祭是時中外爭礦稅者無慮百十疏而給事中包見捷一歲疏累上凡以忤稅監得罪者輒危言論救不已上尤銜之謫貴州布政司都事見捷尋引疾去

二十八年春正月楊應龍勒兵數萬五道竝出攻破龍泉司土官安民志帥步卒五百拒守死之吏目劉玉鸞偕妻子竝死于賊攷異應龍攻破龍泉司諸書俱系之正月據大事記則正月二日也記及通紀皆云安民被擄三編據實錄書死今從之竝增入劉玉鸞妻子三人二月戊寅午時

京師地震自東北往西南連動二次 己卯遣內監暨祿徵鳳陽安慶徽廬常鎮稅又命邢隆稅沿江洲田辛

巳遣魯坤開彰德衛輝懷慶等礦洞開礦目亦在二十八年二月今據書之丙戌總督李化龍率兵分

道討播州時諸軍大集化龍大會文武于重慶登壇誓師分八路進兵川師分四路總兵官劉綎由綦江入總

兵官馬孔英由南川入總兵官吳廣由合江入副將曹希彬受廣節制由永甯入黔師分三路總兵官童元鎮

由烏江入參將朱鶴齡受元鎮節制統宣慰使安疆臣由沙溪入總兵官李應祥由興龍入楚師一路分兩翼

總兵官陳璘由偏橋入總兵官陳良珌受璘節制由龍泉入每路兵三萬官兵三之士兵七之巡撫郭子章駐

貴陽湖廣巡撫支可大移沅州化龍自將中軍策應部署既定化龍戒諸將以抵婁山等關爲期且日關外且

戰且招降多不可勝誅也關內疾戰勿受降師不可久老賊詐不可信也先是蜀玉壘山忽裂僉謂昔年平九

絲地數動殆播平先兆云劉綎進兵綦江連戰破三峒綦江自東溪入播竝峻嶺密箐楠木山羊簡臺三峒素

號奇險賊首穆炤等盤據絕力戰克之 三月戊午總兵官童元鎮敗績于烏江先是楊朝棟統苗兵數萬分

道迎敵鋒甚銳官軍夾擊劉綎身自陷陣苗大驚曰劉大刀至矣朝棟潰圍走幾被獲賊膽落益爲守禦計諸

軍分道並捷南川則西陽石砭二司兵先登遂連克桑木烏江河渡三關陳璘及副將陳寅擊四牌賊各披靡

遂奪天都三百落諸匪賊連敗乃乘隙出奇兵突犯烏江詐稱水西隴澄會哨致墨諸書及三編皆作龍澄證

弟隴澄也時爲鎮雄土官與疆臣誘永順兵斷橋溺死官軍無算參將楊顯守備陳雲龍阮士奇白明達指揮

會大軍勦賊故賊詐稱之今刊改

楊續芝等竝顯之二子皆死之事聞逮總兵童元鎮下于理時有蜚語水西佐賊者化龍檄詰之水西不自安

會賊殺其頭目澄大眼復修好賄隴澄戮其使擊斬僞將楊惟棟等安疆臣亦執賊二十餘人以示不背

自楊朝棟迎敵以下皆三月事大事記書于三月之朔若烏江之敗明史童元鎮傳麟在三月之望史西夏

稿系之戊午者是也惟戊午在三月而史稿誤入二月月分蓋戊午上脫去三月二字耳今據諸書改正 四月劉綎戰九盤入婁山關關爲賊前門萬峯插天中通一綫官軍從間道攀藤魚貫毀柵而入是月癸酉朔 屯白石應龍率諸苗決死戰陰令楊珠等抄後山奪關四面合圍都司王芬中流矢死守備陳大剛天全招討 楊愈亦死劉綎親勒騎衝堅以遊擊周敦吉守備周以德分兩翼夾擊敗之與南川永甯路合連破其龍爪海

雲諸險國壓海龍岡而壘海龍岡者賊所倚天險飛鳥騰猿不能踰者時偏沅巡撫都御史江鐸已抵任視師陳璘帥師急攻破其青蛇岡安疆臣亦奪其落蒙關至大水田焚桃溪莊賊見勢急父子相抱哭上國死守每路投降文以緩官軍化龍以賊詭降檄令斬使焚書毋爲所紿又虞綏興應龍有舊檄令無通賊艇械其人自明而吳廣入崖門關營水牛塘與賊力戰三日卻之賊詭令婦人于岡上拜表痛哭云田氏且降田氏卽七姓見前復詐爲應龍仰藥死以報廣已而覘知田氏詐降以緩攻而所云應龍死乃川兵攻岡以火礮擊死

所謂楊珠也珠驍勇善戰既死賊痛如失左右手廣覺詐益厲兵協攻絕賊樵汲入路兵大集海龍岡下遂築

長圍更番迭攻賊大困會化龍聞父喪詔以墨纓視師化龍跪而草檄益治軍念賊前險不能越令馬孔英勒

兵攻其後會天久雨將士日馳泥淖中苦戰凡相持四十餘日按自屯白石以下皆四月事據大事記是月十三日破青蛇關十六日奪落濛關十八日合

圍今悉據三編參明史總傳補出陣亡之陳天剛楊愈二人 甲午除京師牙稅 六月壬申朔越三日天忽開霽官軍攻海龍岡益急明

日劉綎身先士卒進克土城楊應龍益迫散數千金募死士拒戰諸苗皆駭散無應者其夜四更總兵官陳璘

吳廣帥兵銜枚上斬其守關者應龍方提刀自巡壘見四面火光燭天旁皇長嘆泣謂其妻子曰吾不能復顧

若矣詰朝丁丑官軍遂登岡破其大城入應龍倉皇同愛妾二闔室縊且自焚廣獲其子朝棟及兆龍等百餘

人已亥遂以播州平奏捷京師預異克海龍岡據明史本紀在是月丁丑證之劉綎陳璘傳秋七月辛亥早

敕修省祈禱工科給事中王德完奏言致早有由縱其所以毒民者是也弭災有法衛其所以保民者是也今

出柙中之虎兇以吞羣黎逸園內之豺狼以搏噬百姓怨憤無處得伸鬱結無時可解霖雨以天怒而屯肥

蠟緣人妖而出如之何不旱亟改前弦將各省黷貨之使一旦撤回則修省以實不以文何旱災之不禳哉疏

入不報 甲寅詔停征播加派田賦 八月辛未慈慶宮成 丙子罷朝鮮戍兵初倭旣平命邢玠振旅還京

留萬世德等分布戍守玠因修上馬步兵戍守餉需事宜廷議以數年疲耗今始息肩宜內固根本不當更爲

繁費況彼國兵荒之後不獨苦倭之擾兼苦我兵今日善後事宜仍當商之彼國先量彼餉之贏絀始可酌我

兵之去留因詔督撫會同國王酌奏至是朝鮮亦請撤兵酌留水兵八千以資戍守從之 九月甲寅停刑

是秋綽哈犯遼東副總兵解生等敗沒 冬十月辛未貴州皮林苗叛皮林在湖貴交與九股苗相接有吳國佐者洪州司特峒寨苗也桀黠無賴其從父大榮以叛誅國佐收其妾黎平府持之急遂反自稱天皇上將其黨石纂太稱太保合攻上黃堡誘敗參將黃冲霄追至永從縣殺守備張世忠衆而噉之掠屯堡七十餘焚五開南城陷永從國中潮所時以方征播州未暇討至是播平偏沅巡撫江鐸請命總兵官陳璘移師討之 丙子雲南稅監楊榮請開採雲南阿瓦孟密寶井從之 庚子下給事中王德完于獄時鄭貴妃日有寵而王皇后多疾左右咸竊意后崩貴妃即正中宮位其子爲太子中允黃輝皇長子講官也從內侍微窺得其狀謂德完曰此國家大事旦夕不測書之史冊謂朝廷無人德完乃屬輝具草及是上之疏入震怒立下詔獄拷訊尙書李戴御史周盤等連疏論救忤旨切責御史奪俸有差閣臣沈一貫方在告力疾草奏爲德完解上亦不憚命杖德完百除其名復傳諭廷臣諸臣爲皇長子耶爲德完耶如爲皇長子慎無瀆擾必欲爲德完則再遲冊立一歲廷臣乃不復言 十二月乙未御午門受播州俘磔楊應龍屍廖朝棟兆龍于市 是歲兩畿各省災傷又苦礦稅兵民多起爲盜浙人趙一平以妖術倡亂竄徐州與其黨孟化鯨等招集亡命自稱未後署僞官期明年二月諸方並起事覺伏誅時鳳陽巡撫李三才再疏陳礦稅之害言陛下愛珠玉民亦慕溫飽陛下愛子孫民亦戀妻孥奈何崇聚財賄而使小民無朝夕之安又言近日奏章凡及礦稅悉置不省此宗社存亡所關一旦眾畔土崩小民皆爲敵國陛下卽黃金盈箱明珠填屋誰爲守之皆不報其年十月給事中田大益亦極陳礦稅六害言內臣務爲劫奪以應上求礦不必穴而稅不必商民間卽隴阡陌皆礦也官吏農工皆入稅之人也公私騷然脂膏殫竭向所謂軍國正供反致缺損卽令有司威以刀鋸祇足驅民而速之亂耳此所謂斂巧必蹶也陛下嘗以礦稅之役爲裕國愛民然內庫日進不已未嘗少佐軍國之需四海之人方反唇切齒而冀以計智甘言掩天下耳目其可得乎此所謂名僞必敗也財積而不用梟將隨之脫巾不已至於揭竿適爲奸雄睥睨之資此時雖家給人予之且蹠之覆之而不可及矣此所謂賄聚必散也夫衆心不可傷也今天下上自簪纓下至耕夫販婦茹苦含辛搃擊側目而無所控訴者蓋已久矣一旦土崩勢成家爲讐人爲敵眾

心齊倡而海內因以大潰此所謂怨極必亂也國家全盛二百三十餘年已屬陽九而東征西討以求快意上之蕩主心下之耗國脈二豎固而良醫走死氣索而大命傾此所謂禍遲必大也陛下矜奮自賢沈迷不返以豪璫奸弁爲腹心以金錢珠玉爲命脈藥石之言衰如充耳卽令逢干剖心臯夔進諫亦安能解其惑哉此所謂意迷難救也此六者今之大患臣畏死不言則負陛下陛下拒諫不納則危宗社願深察而力反之皆不報而一時有司以忤稅使先後得罪者廣東則新曾在籍通判吳應鴻舉人勞養魁鍾聲朝梁斗輝雲南則尋甸知府蔡如川趙州知府甘學陝西則富平知縣王正志皆被逮給事中陳惟春言近日所逮諸人宜敕下撫按嚴勘虛實不得以一人單詞枉害善良不報未幾陝西稅監梁永亦許正志上命諸抗違欺隱者悉指名劾奏重治之自是宦官益張長吏皆喪氣正志繫詔獄凡四年三十一年夏瘐死應鴻亦死獄中天啟時始贈祭錄其子

啟異以上皆二十八年事三編據明史傳中分年類記今悉據之

二十九年春正月壬子以播州平詔天下蠲四川貴州湖廣雲南加派田租逋賦除官民註誤罪 是月總兵

官陳璘討皮林苗平之時巡撫江鐸移駐靖州璘率副將李遇文等七道並進璘禽苗酋銀貢等游擊宋大斌攻破特洞焚之吳國佐逃入古州毛洞追獲之石纂太逃廣西土巖山指揮徐時達誘縛之賊黨楊永祿率眾萬餘屯白冲游擊沈宏猷等夾攻生禽永祿諸苗悉平 二月甲戌振大同宣府饑並蠲免本年田租 己丑

逮僉事馮應京等時應京已除名尋以都給事中楊應文論救上怒遂與襄陽通判邸宅襄陽知縣王之翰俱

被逮二人見二十七年時湖廣官三人惟何棟如遣維時陳奉又誣劾武昌同知卞孔時抗阻稅務乃併逮之

改異武昌再變在是年三月卽逮馮應京等激民變也紀事本末系逮應京月日今從之爲下文再變張本 是月大西洋利瑪竇至京師進方物大西洋者歐羅

巴州之統名洲中凡七十餘國而意大里亞居其一利瑪竇卽意大里亞人也以萬曆九年汎海數萬里抵廣

州之香山澳居二十年至是入京師由天津稅監馬堂奏聞下禮部議言大西洋不載會典真僞不可知且所

貢天主及天主母圖旣屬不經而所攜有神仙骨諸物則唐韓愈所謂凶穢之餘不宜令八宮禁者也乞給賜冠帶還國勿令潛居南京與中人交往別生事端不報天主者歐羅巴諸國所奉事之耶穌教耶穌者華言救

世主也實生于如德亞在亞細亞洲中西行教于歐羅巴其始生在漢哀帝元壽二年庚申諸國皆用以紀年
至是閱一千六百年有奇云

攷異利瑪竇入貢明史本紀書于二十八年之末蓋據馬堂奏聞年月也利入京師明史意大里亞傳系之二十九年紀事本末書于是年二月證之傳中言候命五月末賜繪音禮部送于八月後請遣還則以爲三月者近

三月乙卯賜張以誠等進士及第出身有差

是月武昌民再變時逮馮應京等緹騎抵武昌民知應京獲重譴相率痛哭陳奉大書應京名列其罪榜之通

衛士民益憤聚數萬人圍奉解誓必殺奉奉逃匿楚王府眾乃投奉黨十六人于江并傷緹騎以巡撫支可大

助虐焚其轅門可大不敢出日已晡猶紛亂應京囚服坐檻車曉以大義乃稍稍解散奉匿楚府踰月不敢出

應京被逮至京師下詔獄拷訊長繫獄中三十二年九月上以星變修省廷臣請釋繫囚于是應京及宅棟如

獲釋而王之翰先瘐死獄中

攷異是年三月民變以逮應京復激之明史傳中以事起于二十八年之十二月其實二十八

年應京被勒除名處分已定因諸臣相繼論救遂復逮應京並加逮邸宅王之翰十孔時等因有二十九年三月再變之事傳中連敘未經分析而本紀則于二十七年十二月記

武昌漢陽民變與傳中所云武昌再變者合今據本紀年月分書之殺參隨六月紀傳皆同三編易以十六

人疑據實錄改也今從之武昌之再變也給事中田大益上言陛下驅率狼虎飛而食人使天下之人剝膚

而吸髓重足而累息以致天災地坼山崩川竭釁自上開憤由怨積奈何欲塗民耳目以自解釋謾曰權宜哉

今楚人以奉故沈使者不返矣且欲甘心巡撫大臣矣中朝使臣不敢入境偵緩急踰兩月矣四方觀聽惟在

楚人臣意陛下必且曠然易慮立罷礦稅以靖四方奈何猶戀戀不能自割也夫天下至貴而金玉珠寶至賤

也積金玉珠寶若泰山不可市天下尺寸地而失天下又何用金玉珠寶爲哉今四方萬姓見陛下遇楚事而

無變志知禍必不解必且羣起爲變此時卽盡戮諸璫以謝天下甯有濟耶上怒留中

夏四月乙酉徵陳奉還奉見武昌民情洶洶亟請還京以避之內閣沈一貫因極言奉罪請立代還言官亦爭以爲請上不許會江

西湖口稅使李道奏奉水阻商舟陸絕販運剝民病國上乃召奉還以承天守備中官杜茂代之頃之東廠奏

緹騎有死者上怒甚手詔內閣欲究主謀一貫言民心宜靜請亟遣重臣代吏可大拊循因薦侍郎趙可懷上

乃視可大官令可懷馳往未至可大已遣兵護奉行舟車相銜數里不絕可懷入境亦遣使護之奉得地還去

丙申分播州地爲二置遵義平越二府楊氏據有播州自唐以來傳二十九世八百餘年至應龍而亡

月山西巡撫魏允貞罷時中官張忠孫朝先後領山西礦稅誅求百方允貞每事裁抑疏暴其罪朝怒劾允貞抗命阻撓上留允貞疏不下而下朝疏于部院將加譴責吏尙李戴都御史溫純力爭請下允貞疏平議上並留中山西軍民數千人詣闕爲允貞訟寃言官亦連章論救上置不問允貞父年九十餘乃乞歸侍養廷議以稅使害民非允貞不能制固留之允貞請益力聽歸

六月壬申蘇州民變殺織造中官孫隆參隨六人詔有

攷異明史本紀書于五月此据史稿月日也六人明史作數人三編目中亦据史稿書六人今從之

京師自去

年六月不雨至是月乙亥始雨時畿輔山東河南赤地數千里山西亦旱吏部尙書李戴言今三輔嗷嗷民不

聊生草木旣盡剝及樹皮夜竊成羣兼以晝劫道殣相望村空無烟據巡撫汪應蛟揭稱坐而待振者十八萬

人過此以往夏麥已枯秋種未布使百姓坐而待死更何忍言使百姓不肯坐而待死又何忍言加以頻值外

警連興傾國之師車殆馬煩行齋居送按丁增調踐畝加租此時賦稅之役比二十年前不啻倍矣而礦稅

之議煩興貂璫之使出四出不論地有與無有包礦包稅之苦不論民願與否有派礦派稅之苦指其屋而挾之

曰彼有礦則家立破矣彼漏稅則橐立傾矣以無可查稽之數用無所顧畏之人行無天理王法之事大略以

十分爲率入于內帑者一釐于中使者二瓜分于參隨者三指騙于土棍者四而地方之供應歲時之餽遺驛

遞之騷擾與夫不才官吏指以爲市者不與焉陛下但知利源易開中貴易信豈知彼剝害小民至于如此亦

豈知今日苦礦苦稅之民卽是前日被災被兵之民重累疊困咨嗟愁怨至于如此不報丁亥法司請熱審

不報自後數年皆停熱審獄囚久繫多死是夏振順天保定真定廣平順德諸府饑秋八月復命李成梁

鎮遼東成梁去遼十年之間更易八帥邊備益弛會總兵馬林獲罪沈一貫言成梁雖老尙堪將兵乃命再鎮

遼東年已七十六矣九月壬寅河決開封歸德時商邱等處黃河水漲衝決蕭家口一百餘丈全河盡南注

河身變爲平沙商賈舟膠沙上南岸蒙牆寺忽徙置北岸虞城夏邑多被淹沒河勢盡趨東南而黃堨斷流河

南巡撫曾如春以聞曰此河徙非決也初給事中楊廷蘭因黃堨之決請開洳河是時楊一魁召掌部事以工

部侍郎劉東星代之總理河漕東星以河東決黃堨由韓家道口至趙家園百餘里衝刷成河卽潘季馴議復

之故道也因暫開趙家園至兩河口四十里閱六月工成東星復欲採眾說鑿泃河以地多沙石工未就而東星病自是河既南徙北流遂絕而趙家園亦日就淤塞徐邨間三百餘里河水尺餘糧艘阻塞工科給事中張問達言蕭家口在黃壩上流未有商舟不能行于蕭家口而能行于黃壩以東者運艘大爲可慮上從其言方令東星勘議而東星卒矣問達復言運道之壞一因黃壩口之決不早杜塞更因并力泃河以致趙家園淤塞斷流河身日高河水日淺而蕭家口遂決全河奔潰入淮勢及陵寢東星已逝宜急補河臣早定長策大學士沈一貫給事中桂有根皆趣簡河臣御史高舉獻三策請濬黃壩口以下舊河引黃水注之東遂塞黃壩口而遏其南俟舊河衝刷深則并塞新決之口其二則請開泃河及膠萊河而言河漕不宜并於一人當選擇分任其事江北巡按御史吳崇禮則請自蒙牆寺西北黃河灣曲之所開濬直河引水東流且濬李吉口至堅城集淤道三十餘里而盡塞黃壩以南決口使河流盡歸正漕工部尙書楊一魁酌舉崇禮之議以開直河塞黃壩口濬淤道爲正策而以泃河爲旁策膠萊爲備策上命急挑舊河塞決口且兼挑泃河以備用下山東撫按勘視膠萊河 丁未趙志皋卒志皋以封貢議起石星及星敗物議紛騰又兼七十餘老耄爲朝士所輕而醇謹特蒙上眷在告四年乞休疏凡八十餘上俱不報至是卒于邸舍 癸丑貴州饑巡撫郭子章言六月十八日貴陽府定番地震自酉至戌有聲如雷黔東諸府衛及黃平五司自正月不雨至于六月思南府大雨婺川縣大雨冰雹交作城內水深數尺去年苦兵今年苦饑黔東憂旱黔南憂水軍民重困議將湖廣四川二省協濟拖欠錢糧如數徵解以振全黔戶部議如其請報可 戊午起前禮部尙書沈鯉朱賡並兼東閣大學士預機務沈一貫請增置閣臣上素慮大臣植黨欲用林居及久廢者遂詔鯉賡以原官入閣 冬十月己卯立皇長子常洛爲皇太子時太子年二十廷議有欲先冠婚後冊立者沈一貫不可曰不正名而苟成事是降儲君於諸王也上意亦悟命即日舉行漏二鼓詔下既而上復悔令改期一貫封還詔書言萬死不敢奉詔上乃止初鄭貴妃要上至高元殿謁神設誓立其子爲太子上因書一紙緘玉合中賜妃爲符契後廷臣爭之力慈聖太后復堅持立長而妃又忽失歡于是皇長子遂得立上遣人取玉合封識宛然發合蟲蝕書盡矣上悚然異

之同日封諸子常洵爲福王常浩瑞王常潤惠王常瀛桂王

明鑑曰設誓要立與漢書所紀戚夫人事略相類蝨蝨書盡與漢書所紀公孫病已立事略相類戚夫人事綱目削之以其近瑣蝨食葉事綱目載之以葉爲蝨食尙屬事理所有至書緘合內乃爲蝨食不經之甚矣蓋是時羣臣惟恐皇長子之不得立幸如所請遂從而緣飾其辭若以爲天之默相者不知慈聖意稍不定鄭妃竟不失歡蝨蝨蝨蝨書于事矣濟乎史家不察備載以神其說

御批斥爲傳會可笑洵足發當時之覆而破千古之疑矣

壬辰加上慈聖皇太后尊號 是月以侍郎馮琦爲禮部尙書余繼登去年七月卒至是始以琦代之 十二

月辛未復朵顏爲市朵顏部長長安郎長昂 屢入寇敗之至是與董呼哩郎董狐哩 等皆納款並請復甯前木

市許之 己丑命禮部祈雪 是歲江西饒州通判陳奇可以忤稅使被逮

三十年春正月己未以四方災異敕羣臣修省 是月湖廣潛江海陽石首巴陵華容廣濟景陵平江荆門安

鄉大治興國等州縣災荒巡按御史王立賢請將改折緩徵錢糧蠲免振貸從之 二月己卯上不豫時皇

太子姻禮甫畢上忽有疾急召諸大臣至仁德門俄獨命首輔沈一貫入啟祥宮後殿西煖閣皇太后南面立

稍北上稍東具冠服亦南面太子諸王跪于前一貫叩頭起居畢上命之前諭曰朕病篤矣曠稅事朕因三殿

二宮工未竣權宜採取今可與江南織造江西陶器俱止勿行所遣內監俱令還京法司釋久繫罪囚建言得

罪諸臣咸復其官言已就卧一貫尋叩頭出擬旨以進是夕閣臣九卿俱直宿朝房漏三鼓中使捧諭至具如

上語一貫者惟中加南京供應機房係舊制并蘇杭織造內有御用及婚禮袍服俱著仍舊已採徵在官金銀

等件并織完裁疋燒完磁器還著原差內官押解進用如有姦惡截阻及驛遞應付遲慢者指名參處數語諸

大臣期卽奉行翼日上疾瘳悔之遣中使二十輩至閣追取前諭一貫不能持惶遽繳入時司禮太監王義方

在上前力爭曰王言何可反汗上怒欲手刃之義言益力而中使已持前諭至後義見一貫唾曰相公稍持之

曠稅撤矣何怯也自是大臣言官疏請者日相繼皆不聽 甲申重建乾清坤甯宮 是月福建晉江南安惠

安同安莆田仙遊諸縣並告災詔分別蠲振攷異振湖廣福建災明史本紀皆不具三編據實錄增編目今從之閏月丙申復河套諸部貢市

先是套部市罷者十有餘年二十四年乞款進馬詔許增其價後因各部侵軼不常仍罷款議遂復松山築邊

城諸部長恐至是濟農巴爾章等輸誠乞款兩鎮新舊撫臣皆言款便會巡撫王見賓將去諸部恐款事不成

請益切在甯夏者珠蘇爾亦請之巡撫楊時甯兩鎮交奏會孫維城代見賓時甯亦遷去以黃嘉善代之二人

並申約束維城議上善後六事一市貨務精委官協辦并程以殿最一撫賞宣撫必諗識情形如波羅參將馬

應時口習番語應令兼管一選廉幹文武官各一員事驗馬匹驍壯堪備騎操方聽解道驗烙一市賞須有定

額軍民不許私易將官不許貪功經管官不許扣剋及以濫物搪塞一延鎮應改創邊牆築圍垣如城匝以深

池庶緩急無虞一定市期并起賞之例其進貢之馬務擇驍壯不得槩收嘉善議上善後七事一市銀請自二

十年以後每年照數聽鎮咨部題發一每歲之市一年無犯方准一次款市一市分衝緩守備通判等官按地

分管便于責成一定撫賞之例如生事則議革一定易馬之額如驗堪騎操方許分給營堡一松山近始收復

不可不加計防之如陽順陰違即當出兵勦伐一每歲彙查將領有無失事報部處分兵部皆議覆從之自是

款市之議復堅攷異貢市月日見明史本紀其二鎮所上善後條日誌輒傳不具三編據實錄增人目中今據之戊午河州黃河水涸見底凡三日以姚

繼可爲工部尚書時楊一魁以河決衝入祖陵被劾罷也三月甲申雲南騰越民變稅監楊榮肆虐激民

不勝憤火其廠房殺委官張安民撫按以聞上怒持其章不下數月沈鯉至亟請列榮罪狀以定民心于是得

無株及是時廣東李鳳廣西梁永竝以礦稅激民變左都御史溫純言稅使竊弄陛下威福以十計參隨憑藉

稅使聲勢以百計地方奸民竄身爲參隨爪牙以萬計字內生靈困於水旱困於採辦營運轉輸既囂然喪其

樂生之心安能復勝此千萬虎狼耶願即日罷礦稅逮鳳等真于理亦不報是月河州黃河突漲壞橋道毀

墩房總督李汶巡撫賈待問言黃河上流水盡乾竭今歲火星失度日光如赭火星見在九月此奏報當在是年九月之後三編據實錄類書

之風霾黃霧種種變異然未有若此河之爲變者河瀆之行地猶元氣之周身而貨財之流布于天下也今天

下財力可謂匱絀閭閻貧府庫貧獨礦稅監使及參隨土棍之家富耳神河天險源涸流從此脈竭財匱之象

也夫民區則愁苦愁苦則思亂直須時耳伏望罷礦稅撤中使人心既悅天意自回不報 戶部尚書陳藻病

免召趙世卿自倉場回部管事兵部尚書田樂罷越三月以刑部尚書蕭大亨兼署 夏四月辛丑振順天永

平二府饑竝蠲田租 乙巳京師旱敕修省 五月乙亥注司請熱審不報 是月四川地震鳴如雷至六月

復有聲房屋俱動攷異明史五行志 佚三編據實錄增 江西稅監潘相素爲眾所忿一日輿而出會歲試諸生童指目之相怒

禽四人入其一則謀託輔國將軍之庶宗也捶之傷甚各宗大闕毀門入相走免誣劾上饒知縣李鴻報怨鴻

坐除名 六月戊申福建興化泉州二府同日地震辛亥福州興化泉州三府復同日地震攷異明史五行志 佚三編據實錄增

並著日分 今從之 是月京師大水 秋七月辛巳以邊餉缺乏敕有司嚴催積逋 是月緬甸犯騰越初楊榮請開

阿瓦孟密寶井云歲可得數十萬既而所進不得什一乃誣知府熊鐸侵匿逮下法司榮又奏請敕麗江土知

府木增獻地聽開採遂有番漢居民焚厥殺委官之獄至是緬人以稅使貪暴爲詞攻陷蠻莫宣撫司思正奔

騰越緬追及之有司殺思正以謝始解去 沈鯉至京師入閣時年七十一矣沈一貫以上心夙嚮鯉深忌之

貽書李三才曰歸德公來必奪吾位將何以備之歸德鯉邑名欲風鯉辭召命也三才答書言鯉忠實無他腸

勸一貫同心一貫由此并憾三才 九月己未朔夜有大星起東南色血紅大如椀忽化爲五中一星最明入

之會爲一星大如篋辛巳夜流星大如雞卵青白色尾有光又流星大如椀起自參入天苑又有大小星數百

四面交錯而行禮科給事中張問達以星變請罷礦稅不報攷異見明史天文志三編 據實錄詳具目中今從之 冬十月壬辰五更復

有流星起中天光散七道有聲如雷 丙申孝陵災 戊戌振南直隸災時江北宿松望江二縣災重准改折

並休甯祁門婺源等縣以次振卹其泗州虹縣等十二州縣分別蠲振有差攷異明史本紀但書振江北三編 統以南直隸及各書州縣增入目

中今 丙辰停刑 十二月大學士沈一貫等奏天下御史巡行差務八十有三處今缺其九請遣各御史分

往受事庶監察有所責成而綱紀可振疏入不報 鳳陽臨淮知縣林錡以忤稅監被逮下獄 是歲兩京缺

尚書三侍郎十科道九十四天下缺巡撫三布按監司六十六知府二十五兵科都給事中田大益力請簡補

不報

明通鑑卷七十三

紀七十三 起昭陽軍闕盡齋
閣協洽凡五年

神宗顯皇帝

萬曆三十一年春正月復營乾清坤甯兩宮輔臣沈一貫等入視工程因亟言巡漕巡倉二差及河南陝西二巡撫缺應補授差遣上領之 詔戶兵二部覈軍實時內府供億浸多戶部困不能支九邊軍額八十六萬有奇將弁率以空名支餉且多剋減邊民屢譁上憂之乃有是命然卒不能振刷也 三月戊午吏部奏天下郡守缺者幾十之五請敕吏部推補不報時南北六卿正貳亦多缺者大學士沈一貫等因言各衙門本章例應三日卽下皇上初年始有留中之事至于今日有奏而不發票者有票上而不發行者皇上蓋出詳慎不輕之意且昭操縱不測之權而人心自此怠弛政務從而壅滯且歲月滋久保無乘機壅蔽藉手作奸者乎況始于權宜後遂成例亦何可昭示萬世請將各衙門章疏可行者卽賜允行不可行者明示改正必期無一疏不報無一事不決疏入不省 乙丑詔公主子孫皆入國學肄業 是月遼東大福堡火焚燬房屋軍器無算又火起地中大如車輪高三丈烟高三丈餘 攷墨明史五行志佚三
編據實錄補入三月 播州餘逆吳洪盧文秀等叛總兵官李應祥等討平之 禮部尙書馮琦卒琦明習典故學有根柢數陳讜論而于礦稅及給中使關防尤力持之初內閣乏人上已用琦及朱國祚而沈一貫密揭二人年未及艾請先用老成者乃復命沈繹朱廣琦素善病至是篤凡十六疏乞休不允卒于官年僅四十六遺疏請厲明作發章奏補缺官推誠接下收拾人心詞極懇摯上悼惜之贈太子少保初以禮部侍郎郭正域署代未幾以禮部侍郎李廷機易署 攷異明史七卿表脫去郭正
域署禮部尙書故李廷機之 署代亦無月 夏四月丁亥朔日有食之是日當享太廟禮部侍郎郭正域言春秋書災異莫大于日食故禮諸侯旅見天子入門不終禮者有四日食與焉當祭而日食牲至未殺則廢況時惟四月又爲正陽變異非細是日辰時食至巳時若救護後午刻祭享曾未踰時兩興大禮精禋不肅宜以朔旦救日詰朝享廟詔改享太廟于初五日 攷異明史正域本傳但言日食占爲用倭人亡國等語語侵
一貫而不及請改廟享日期三編據實錄增入目中今從之 丙午承天府鍾祥縣地震自南方